

合校水經注

合校水經注

序

少時讀漢書地理志驚歎以爲絕作惜其上溯古蹟旁羅水道
宏綱已舉細目未賅雖爲書之體固然而於探奇耆古之懷猶
歉然弗愜也嗣讀酈善長水經注深美其用意足輔班氏所不
逮蓋班之志水撮舉終始而所過之地從略酈則於漢世郡縣
端委幷包曲折貫串旁引支流以千數百計使後之按渠訪瀆
者一展卷而如案古圖書班之志地根據經籍俾三代以來之
要典不至放失無稽酈尤因地致詳元魏以上故事舊文皆可
攷求而得實其繁簡雖異精思實同洵乎閱覽之山淵方輿之
鍵轄也已夫地無古不立水非地不章酈氏爲書之指在因水
以證地而卽地以存古是故遷貿畢陳故實駢列世或訾其好

奇騁博及視爲詞章所取資雖謂於地理之學概未有聞焉可也今非無顓疏水道之書以校彼優絀果何如哉余耽此三十年足跡所至必以自隨考按志乘稽合源流依注繪圖參列今地兼思補證各史關涉水地事蹟及經注未備各水爲之作疏人事牽率懼不獲卒償斯願曾用官校宋本參合諸家輯爲一編久藏篋笥先授梓人以質海內之好讀是書者而推論其要義如此至合校之微意則備具例略中

例略

一校官本

四庫提要稱官校宋本

乾隆中裒集永樂大典就所引水經注

排比原文鉤稽近本

武英殿聚珍板印行其後蘇州福建皆有刊本茲取用互校與

朱趙同者列爲正文而雙行標注異文於下以祛歧惑當時校上此書出戴震東原之手戴氏號稱究心酈亭之學自有刊本行世預修

四庫全書以乾隆三十九年校上此本

見官本案語

而趙氏之書先

成於乾隆十九年

見趙本自序

至五十一年丙午始謀鋟板

見趙本畢序

其流布反在官本之後世罕觀大典元文見戴校與趙悉合疑爲弋取然

聖明在上忠正盈廷安有此事且書中增補刪改多至七千餘字既著之案語中其訂正各條明注本文之下並非盡出大典是纂修時或旁攷羣書或獨伸己見亦未嘗隱而不言也趙氏覃精極思旁搜廣證合契古籍情理宜然特以數十年考訂苦

心一旦爲中祕書所掩因之俗論滋紛今於官本案語下並列趙氏所釋及刊誤各條俾讀者知

右文盛世祕籍應運而呈奇而鴻生稽古之功亦不至聽其湮

沒庶因兩美之合以釋千載之疑諸家聚訟若段玉裁茂堂

韻樓

魏源默深

見周壽昌思益堂日札

張穆石舟

見近刻全校水經注附錄中兼言畢秋帆尙書

索趙書於一清子載元載元恐父書不當畢意以巨貲購謝山本合併修飾此則過信無稽不通情理之言殊爲無識

執一詞存而不論可也

一校朱本明中尉朱謀埠鬱儀所箋趙氏本之以作刊誤者也朱氏之前水經注本著稱者有二一黃省曾刻於嘉靖甲午一吳琯刻於萬曆乙酉朱氏復與其友謝耳伯孫無撓輩商榷校讎以成此書萬曆乙卯齊安李長庚序而刻之崇禎己巳竟陵

譚元春鍾惺等加以評點重刻之所載箋語頗有異同至趙氏

稱眞州鏤板竊朱箋爲已有者見趙附錄今未得見有新安歙西黃

晟曉峰者於乾隆十八年癸酉刻水經注前列歐陽玄黃省王

世謀朱長李庚五序文皆見趙附錄自跋云爰取舊本重爲校刊而不著

其何本書中校語大氏與朱箋合豈卽趙所稱邪自來論朱箋

者褒貶互見其攷訂誠爲未精然引證故實以輔注文厥勞甚

鉅黃梨洲訾其無所發明未爲確論近因戴趙啟爭疑議蠡起

至有謂朱箋尙存眞面遠勝二家改訂者此則全未讀書之言

也今於趙氏刊誤所引外全錄箋語以資蒐討譚黃二本所載

容有它人羈入者不復加以區別矣

一校趙本趙讀酈書首爲之釋列於卷中存朱氏之是弼酈亭

之違其朱箋謬者削之漏者補之別爲刊誤十二卷今併散入

正文下俾讀者開卷瞭如易於尋究酈注字分大小發自全氏

而趙因之條理分明茲特參用其例家藏本冊面題籤水經注釋大字

卷某之某小字後十二卷水經注朱箋刊誤大字卷某之某小字刻畫精善極爲我友繆筱珊

朱蓉生兩太史所鑒賞眞最初本也別有舊藏一部字句增損

竄易往往同符官本蓋出後來刊改頗失趙書面目故茲校一

以初本爲主惟八卷濟水篇有漢司隸校尉魯恭冢下釋曰金石錄跋尾云嘗得石室所刻畫象與延之所記合其他云云增多

碑跋尾云嘗得石室所刻畫象與延之所記合其他云云增多十四字又文字分明下釋曰一勝鈴下二字三十餘騎刪二字

兩字後有駙馬二匹勝曰持駙馬刪勝曰持駙馬及下又字次

橫勝曰薦士一人刪勝曰二字又駙史僕射二騎刪又字蓋關

里之先賢也字而不名刪字而不名四字與史家異同鐵二字不能次以爲兩魯棖史記作申棠家語作申續檀弓以申詳爲

顓孫子張之鐵二地云云刪上缺二字三字移家不能次以爲兩於地字之上客拜侍於前後者六人侍者四人並刪人字皆

駕以一馬刪以字鮮明卒上增有字朱浮墓畫象墓下增壁字
十六卷穀水篇世謂之紆麻瀾下釋曰此句是善長所增加改
曰此句是連引郭璞注三十八卷資水篇縣故昭陵也下釋曰
漢表作洛陽今湖南寶慶府東北五里有洛陽山蓋以侯封得
名卽前漢之昭陵云云改曰漢表作路陵路洛古通借校獵賦
虎路三爰晉灼曰路音洛然疑史漢表誤昭陵云云此四條有
裨考訂附記於此刊誤間
有增改無關要義不錄

至若猶爲由卯爲耶已爲以克爲剋
侵爲寢升爲昇德爲惠懷爲襄隙爲隙累爲纍臘爲臘喜爲熹
懸爲縣雝爲雍燕爲鷺蛇爲虵獮爲獮羈爲羈綠爲淥虛爲墟
野爲埜淀爲澱嶺爲嶺嶧爲嶧岡爲岡墜爲墜崖爲崖嶂爲障
嶠爲岷洛爲雒沅爲沅湍爲湍沱爲沱瑯琊爲琅邪險阻
爲嶮阻或本同字或由段借如此之類卷中不能悉出標舉首
簡以備參稽

一校孫本孫星衍伯淵所手校桐城蕭穆敬甫聞余校刊水經

持以相餉末卷孫氏自記略云水經向無善本予驟讀之便知經注錯亂以意定之嗣以唐人引此書若史記索隱正義文選注藝文類聚初學記元和郡縣志校之得休甯戴東原本多與鄙意相合復是正數十條其與戴不同者不敢附和也顧千里跋云伯淵觀察於此書用功甚深晚年對客猶能稱引瀾翻不須持本也手校丹青滿紙中多與戴東原氏異說尤可資考索道光四年閏月觀於桐城汪君均之插架爲識其後今觀所校亦不能盡如其說其引證今地極便考覽世無傳本悉登之以備一家漢志迺人人能讀之書繁稱無當不備載焉

一參校各家善長一序大典僅存餘姚盧文昭紹弓用武進臧氏所得絳雲樓舊藏宋本校之頗有奇異刊見羣書拾補中茲

標注官本原序下陽湖董祐誠方立研精酈書著圖說四卷未
竟而歿其兄基誠取其說刊入遺書而圖遂佚茲全錄入注此
外如武進丁履恆游水疏證謝鍾英洛涇二水補亦備采之近
世爲水經之學者江甯汪士鐸水經注圖精思密致經緯釐然
然亦頗有譌誤惜其不及參繪今地未爲盡善全氏七校水經
注晚出淞中慈谿林頤山晉霞斥其偽造抉摘罅漏至數十事
頃歲刊行茲編一字不敢闌入

一是編輯成久未付梓長沙張祖同雨珊謂可公諸同好遂用
局錢刊行平江蘇海淵泉長沙王先慎惠英實助讎校蘇君匡
正之力尤多時閱一期紙勞十返自慚獨學衰白無成敢居汗
簡之名永志他山之美光緒十八年歲次壬辰秋七月王先謙

識於長沙之葵園

一
二
三
四
五
六
七
八
九
十
十一
十二
十三
十四
十五
十六
十七
十八
十九
二十
二十一
二十二
二十三
二十四
二十五
二十六
二十七
二十八
二十九
三十
三十一
三十二
三十三
三十四
三十五
三十六
三十七
三十八
三十九
四十
四十一
四十二
四十三
四十四
四十五
四十六
四十七
四十八
四十九
五十
五十一
五十二
五十三
五十四
五十五
五十六
五十七
五十八
五十九
六十
六十一
六十二
六十三
六十四
六十五
六十六
六十七
六十八
六十九
七十
七十一
七十二
七十三
七十四
七十五
七十六
七十七
七十八
七十九
八十
八十一
八十二
八十三
八十四
八十五
八十六
八十七
八十八
八十九
九十
九十一
九十二
九十三
九十四
九十五
九十六
九十七
九十八
九十九
一百

一
二
三
四
五
六
七
八
九
十
十一
十二
十三
十四
十五
十六
十七
十八
十九
二十
二十一
二十二
二十三
二十四
二十五
二十六
二十七
二十八
二十九
三十
三十一
三十二
三十三
三十四
三十五
三十六
三十七
三十八
三十九
四十
四十一
四十二
四十三
四十四
四十五
四十六
四十七
四十八
四十九
五十
五十一
五十二
五十三
五十四
五十五
五十六
五十七
五十八
五十九
六十
六十一
六十二
六十三
六十四
六十五
六十六
六十七
六十八
六十九
七十
七十一
七十二
七十三
七十四
七十五
七十六
七十七
七十八
七十九
八十
八十一
八十二
八十三
八十四
八十五
八十六
八十七
八十八
八十九
九十
九十一
九十二
九十三
九十四
九十五
九十六
九十七
九十八
九十九
一百

合校本經注總目

卷首

御製文

官本卷首

官本原序

官本目錄

趙本畢序

趙本全序

趙本自序

趙本原序

趙本參校諸家

趙本酈道元傳

趙本目錄

趙本刊誤小引

自序

例略

目錄

卷一

河水

卷二

河水

卷三

河水

卷四

河水

卷五

河水

卷六

汾水

澮水

涑水

文水

原公水

洞過水

晉水

湛水

卷七

濟水

卷八

濟水

卷九

清水

沁水

淇水

蕩水

洹水

卷十

濁漳水

清漳水

趙補滏水

趙補洺水

卷十一

易水

滹水

趙補滹沱水

趙補泝水

趙補滋水

卷十二

聖水

巨馬水

卷十三

灑水

卷十四

濕餘水

沽河

鮑邱水

濡水

大遼水

小遼水

湏水

卷十五

洛水

伊水

瀍水

澗水

卷十六

穀水

甘水

漆水

滄水

沮水

趙補洛水

謝補洛水

卷十七